


ONE HUNDRED
FAMOUS CLASSICS
IN CHINA

尚書 · 國語

中國
古典
名著
百部



目 录

虞夏书	(1)
尧 典	(1)
皋陶谟	(5)
禹 贡	(7)
甘 誓	(10)
商 书	(12)
汤 誓	(12)
盘 庚	(13)
高宗彤日	(16)
西伯戡黎	(16)
微 子	(17)
周 书	(19)
牧 誓	(19)
洪 范	(20)
金 縢	(23)
大 诰	(24)
康 诰	(26)
酒 诰	(29)
梓 材	(31)
召 诰	(32)

◆ 中国古典名著百部

洛 诰	(34)
多 士	(36)
无 逸	(38)
君 奭	(39)
多 方	(41)
立 政	(43)
顾 命	(45)
吕 刑	(48)
文侯之命	(50)
费 誓	(51)
秦 誓	(52)

虞夏书^①尧 典^②

曰若稽古，帝尧曰放勋，钦明文思安安。允恭克让，光被四表，格于上下。克明俊德，以亲九族。九族既睦，平章百姓。百姓昭明，协和万邦，黎民于变时雍。

乃命羲和，钦若昊天，历象日月星辰，敬授人时。分命羲仲，宅嵎夷，曰暘谷^③。寅宾出日，平秩东作。日中，星鸟，以殷仲春。厥民析，鸟兽孳尾。申命羲叔，宅南交。平秩南讹，敬致。日永，星火，以正仲夏。厥民因，鸟兽希革。分命和仲，宅西，曰昧谷。寅饯纳日，平秩西成。宵中，星虚，以殷仲秋。厥民夷，鸟兽毛毳。申命和叔，宅朔方，曰幽都。平在朔易。日短，星昴，以正仲冬。厥民隩，鸟兽氄毛。帝曰：“咨！汝羲暨和。期三百有六旬有六日，以闰月定四时，成岁。允厘百工，庶绩咸熙。”

帝曰：“畴咨若时登庸？”

放齐曰：“胤子朱启明。”

帝曰：“吁！嚣^④讼可乎？”

帝曰：“畴咨若予采？”

驩兜曰：“都！共工方鸠僝功。”

帝曰：“吁！静言庸违，象恭滔天。”

◆ 中国古典名著百部

帝曰：“咨！四岳，汤汤洪水方割，荡荡怀山襄陵，浩浩滔天。下民其咨，有能俾乂？”

金曰：“於！鯀哉。”

帝曰：“吁！咈哉，方命圯族。”

岳曰：“异哉！试可乃已。”

帝曰：“往，钦哉！”九载，绩用弗成。

帝曰：“咨！四岳。朕在位七十载，汝能庸命，巽朕位！”

岳曰：“否德忝帝位。”

曰：“明明扬侧陋。”

师锡帝曰：“有齔在下，曰虞舜。”

帝曰：“俞！予闻，如何？”

岳曰：“瞽子，父顽，母嚚，象傲，克谐。以孝烝烝^⑤。乂不格奸。”

帝曰：“我其试哉！女于时，观厥刑于二女。”厘降二女于妫汭，嫔于虞。

帝曰：“钦哉！”

慎徽五典，五典克从。纳于百揆，百揆时叙。宾于四门，四门穆穆。纳于大麓，烈风雷雨弗迷。

帝曰：“格！汝舜。询事考言，乃言底可绩，三载。汝陟帝位。”舜让于德，弗嗣。

正月上日，受终于文祖。在璇玑玉衡，以齐七政。肆类于上帝，禋于六宗，望于山川，遍于群神。辑五瑞。既月乃日，覲四岳群牧，班瑞于群后。

岁二月，东巡守，至于岱宗。柴。望秩于山川，肆觐东后。协时月正日，同律度量衡。修五礼、五玉、三帛、二生、一死赞。如五器，卒乃复。五月南巡守，至于南岳，如岱礼。八月西巡守，至于西岳，如初。十有一月朔巡守，至于北岳，如西礼。归，格于艺祖，用特。

五载一巡守，群后四朝。敷奏以言，明试以功，车服以庸。

肇十有二州，封十有二山，浚川。

象以典刑，流宥五刑，鞭作官刑，扑作教刑，金作赎刑。眚灾肆赦，怙终贼刑。钦哉，钦哉，惟刑之恤哉！

流共工于幽州，放驩兜于崇山，窜三苗于三危，殛鲧于羽山，四罪而天下咸服。

二十有八载，帝乃殂落。百姓如丧考妣，三载，四海遏密八音。月正元日，舜格于文祖，询于四岳，辟四门，明四目，达四聪。

“咨，十有二牧！”曰：“食哉惟时！柔远能迩，惇德允元，而难任人，蛮夷率服。”

舜曰：“咨，四岳！有能奋庸熙帝之载，使宅百揆亮采，惠畴？”

金曰：“伯禹作司空。”

帝曰：“俞，咨！禹，汝平水土，惟时懋哉！”禹拜稽首，让于稷、契暨皋陶。

帝曰：“俞，汝往哉！”

帝曰：“弃，黎民阻饥，汝后稷，播时百谷。”

帝曰：“契，百姓不亲，五品不逊。汝作司徒，敬敷五教，在宽。”

帝曰：“皋陶，蛮夷猾夏，寇贼奸宄。汝作士，五刑有服，五服三就。五流有宅，五宅三居。惟明克允！”

帝曰：“畴若予工？”

金曰：“垂哉！”

帝曰：“俞，咨！垂，汝共工。”垂拜稽首，让于殳斨暨伯与。

帝曰：“俞，往哉！汝谐。”

帝曰：“畴若予上下草木鸟兽？”

◆ 中国古典名著百部

金曰：“益哉！”

帝曰：“俞，咨！益，汝作朕虞。”益拜稽首，让于朱虎、熊黑。

帝曰：“俞，往哉！汝谐。”

帝曰：“咨！四岳，有能典朕三礼？”

金曰：“伯夷！”

帝曰：“俞，咨！伯，汝作秩宗。夙夜惟寅，直哉惟清。”伯拜稽首，让于夔、龙。

帝曰：“俞，往，钦哉！”

帝曰：“夔！命汝典乐，教胄子，直而温，宽而栗，刚而无虐，简而无傲。诗言志，歌永言，声依永，律和声，八音克谐，无相夺伦，神人以和。”

夔曰：“於！予击石拊石，百兽率舞。”

帝曰：“龙！朕堯谗说殄行，震惊朕师。命汝作纳言，夙夜出纳朕命，惟允！”

帝曰：“咨！汝二十有二人，钦哉！惟时亮天功。”三载考绩，三考，黜陟幽明，庶绩咸熙。分北三苗。

舜生三十征，庸三十，在位五十载，陟方^⑥乃死。

注 释：

①《尚书》旧分虞书、夏书、商书、周书四类。依此，《尧典》、《皋陶谟》当属虞书，记述唐尧禅位于虞舜、虞舜的政治活动，及其与大臣禹、皋陶等有关政事的议论等，为我国上古唐、虞时代的历史传说。《禹贡》、《甘誓》应属夏书，载录大禹治水（所述地理情况实为战国时期的地理概貌）、夏启征讨有扈氏等事，为夏朝初期的史事。

但马融、郑玄传注本等都以虞夏同科，题为“虞夏书”，故今从马郑本，仅标虞夏书、商书、周书三大类。

②本篇主要颂扬尧、舜这两位我国原始社会后期著名的氏族首领的事迹，为后代史官追记之作。很多经学家受“祖述尧舜，宪章文武”的影响，

将本篇奉为至高无上的经典。

③暘谷，传说中日出的地方。暘，音 yáng。

④囁，音 yín，指不说忠信之言。

⑤烝烝，音 zhēng zhēng，厚美之意。

⑥陟方，指巡狩。

皋陶谟^①

曰若稽古。皋陶曰：“允迪厥德，谟明弼谐。”

禹曰：“俞，如何？”

皋陶曰：“都！慎厥身，修思永。惇叙九族，庶明励翼，迓可远，在兹。”

禹拜昌言曰：“俞！”

皋陶曰：“都！在知人，在安民。”

禹曰：“吁！咸若时，惟帝其难之。知人则哲，能官人。安民则惠，黎民怀之。能哲而惠，何忧乎驩兜？何迁乎有苗？何畏乎巧言令色孔壬？”

皋陶曰：“都！亦行有九德。亦言，其人有德，乃言曰，载采采。”

禹曰：“何？”

皋陶曰：“宽而栗，柔而立，愿而恭，乱而敬，扰而毅，直而温，简而廉，刚而塞，强而义。彰厥有常吉哉！”

“日宣三德，夙夜浚明有家，日严祗敬六德，亮采有邦。翕受敷施，九德咸事，俊乂在官。百僚师师，百工惟时，抚于五辰，庶绩其凝。”

“无教逸欲，有邦兢兢业业，一日二日万几。无旷庶官，天工，人其代之。天叙有典，敕我五典五惇哉！天秩有礼，自我五

◆ 中国古典名著百部

礼有庸哉！同寅协恭和衷哉！天命有德，五服五章哉！天讨有罪，五刑五用哉！政事懋哉懋哉！

“天聪明，自我民聪明。天明畏，自我民明威。达于上下，敬哉有土！”

皋陶曰：“朕言惠可底行？”

禹曰：“俞，乃言底可绩。”

皋陶曰：“予未有知，思曰赞赞襄哉！”

帝曰：“来，禹！汝亦昌言。”禹拜曰：“都！帝，予何言？予思日孜孜。”皋陶曰：“吁！如何？”禹曰：“洪水滔天，浩浩怀山襄陵，下民昏垫。予乘四载，随山刊木，暨益奏庶鲜食。予决九川距四海，浚畎浍^②距川，暨稷播，奏庶艰食鲜食。懋迁有无，化居。烝民乃粒，万邦作乂。”皋陶曰：“俞！师汝昌言。”

禹曰：“都！帝。慎乃在位。”帝曰：“俞！”禹曰：“安汝止，惟几惟康。其弼直，惟动丕应。徯志以昭受上帝，天其申命用休。”

帝曰：“吁！臣哉邻哉！邻哉臣哉！”

禹曰：“俞！”

帝曰：“臣作朕股肱耳目。予欲左右有民，汝翼，予欲宣力四方，汝为。予欲观古人之象，日、月、星辰、山、龙、华虫，作会；宗彝、藻、火、粉米、黼、黻、絺、绣，以五采彰施于五色，作服，汝明。予欲闻六律五声八音，在治忽，以出纳五言，汝听。予违，汝弼，汝无面从，退有后言。钦四邻！庶顽谗说，若不在时，候以明之，挾以记之，书用识哉，欲并生哉！工以纳言，时而扬之，格则承之庸之，否则威之。”

禹曰：“俞哉！帝，光天之下，至于海隅苍生，万邦黎献，共惟帝臣，惟帝时举。敷纳以言，明庶以功，车服以庸。谁敢不让，敢不敬应？帝不时敷，同，日奏，罔功。”

“无若丹朱傲，惟慢游是好，傲虐是作。罔昼夜颺颺^③，罔

水行舟。朋淫于家，用殄厥世。予创若时，娶于涂山，辛壬癸甲。启呱呱而泣，予弗子，惟荒度土功。弼成五服，至于五千。州十有二师，外薄四海，咸建五长，各迪有功。苗顽弗即功，帝其念哉！”

帝曰：“迪朕德，时乃功，惟叙。皋陶方祗厥叙，方施象刑，惟明。”

夔曰：“夏击鸣球、搏拊、琴、瑟，以咏。”祖考来格，虞宾在位，群后德让。下管鼗^④鼓，合止祝敌，笙簧以间。鸟兽跄跄，《箫韶》九成，凤皇来仪。

夔曰：“於！予击石拊石，百兽率舞，庶尹允谐。”

帝庸作歌。曰：“敕天之命，惟时惟几。”乃歌曰：“股肱喜哉！元首起哉！百工熙哉！”

皋陶拜手稽首颺言曰：“念哉！率作兴事，慎乃宪，钦哉！屡省乃成，钦哉！”乃赓载歌曰：“元首明哉！股肱良哉！庶事康哉！”又歌曰：“元首丛脞哉！股肱惰哉！万事堕哉！”

帝拜曰：“俞，往钦！”

注 释：

①本篇是我国最早，也是最完整的政务会议记录。记载了帝舜与大臣皋陶、禹等关于施行德政、治理国家等问题的言论。

②呷洽，音 quǎn kuài，田间的水沟。

③颺颺，音 éé，指不休息。

④鼗，音 táo，一种小型鼓。

禹 贡^①

禹敷土，随山刊木，奠高山大川。

◆ 中国古典名著百部

冀州，既载壶口，治梁及岐。既修太原，至于岳阳。覃怀底绩，至于衡漳。厥土惟白壤，厥赋惟上上，错，厥田惟中中。恒、卫既从，大陆既作。岛夷皮服，夹石碣石入于河。

济、河惟兖州：九河既道，雷夏既泽，淮、沮会同。桑土既蚕，是降丘宅土。厥土黑坟，厥草惟繇，厥木惟条，厥土惟中下，厥赋贞，作十有三载乃同。厥贡漆丝，厥篚织文。浮于济、漯，达于河。

海、岱惟青州：嵎夷既略，淮、淄其道。厥土白坟，海滨广斥。厥田惟上下，厥赋中上。厥贡盐、絺，海物惟错。岱畎丝、枲、铅、松、怪石。莱夷作牧。厥篚棗丝。浮于汶，达于济。

海、岱及淮惟徐州：淮、沂其乂，蒙、羽其艺，大野既猪^②，东原底平。厥土赤埴坟，草木渐包。厥田惟上中，厥赋中中。厥贡惟土五色，羽畎夏翟，峯阳孤桐，泗滨浮磬，淮夷蠙珠暨鱼。厥篚玄纁纁。浮于淮、泗，达于河。

淮、海惟扬州：彭蠡既猪，阳鸟攸居。三江既入，震泽底定。篠簜既敷，厥草惟夭，厥木惟乔。厥土惟涂泥。厥田惟下下，厥赋下上，上错。厥贡惟金三品，瑶、琨、篠、簜、齿、革、羽、毛惟木。岛夷卉服。厥篚织贝，厥包橘柚，锡贡。沿于江、海，达于淮、泗。

荆及衡阳惟荆州：江、汉朝宗于海，九江孔殷，沱、潜既道，云土、梦作乂。厥土惟涂泥，厥田惟下中，厥赋上下。厥贡羽、毛、齿、革惟金三品，炖、鼈、栝、柏，砺、砥、矸、丹惟篚簋^③、栝。三邦底贡厥名，包匭菁茅，厥篚玄纁玕组，九江纳锡大龟。浮于江、沱、潜、汉，逾于洛，至于南河。

荆、河惟豫州：伊、洛、瀍、涧既入于河，荥波既猪。导菏泽，被孟猪。厥土惟壤，下土坟垆。厥田惟中上，厥赋错上中。厥贡漆、枲、絺、纁，厥篚纁、纁，锡贡磬错。浮于洛，达于河。

华阳、黑水惟梁州：岷、嶓既艺，沱、潜既道。蔡、蒙旅平，和夷底绩。厥土青黎，厥田惟下上，厥赋下中、三错。厥贡璆、铁、银、镂、砮、磬、熊、黑、狐、狸。织皮、西倾因桓是来。浮于潜，逾于沔，入于渭，乱于河。

黑水、西河惟雍州：弱水既西，泾属渭汭，漆沮既从，沔水攸同。荆、岐既旅，终南、惇物，至于鸟鼠。原隰^④底绩，至于猪野。三危既宅，三苗丕叙。厥土惟黄壤，厥田惟上上，厥赋中下。厥贡惟球、琳、琅玕。浮于积石，至于龙门、西河，会于渭汭。织皮昆仑、析支、渠搜，西戎即叙。

导岍及岐，至于荆山，逾于河。壶口、雷首至于太岳。汭柱、析城至于王屋。太行、恒山至于碣石，入于海。

西倾、朱圉、鸟鼠至于太华。熊耳、外方、桐柏至于陪尾。

导嶓冢至于荆山。内方至于大别。岷山之阳至于衡山，过九江至于敷浅原。

导弱水至于合黎，余波入于流沙。

导黑水至于三危，入于南海。

导河、积石；至于龙门；南至于华阴；东至于砥柱；又东至于孟津；东过洛汭，至于大伾；北过降水，至于大陆；又北，播为九河，同为逆河，入于海。

嶓冢导漾，东流为汉；又东，为沧浪之水；过三澨，至于大别，南入于汇。东，汇泽为彭蠡，东，为北江，入于海。

岷山导江，东别为沱；又东至于澧；过九江，至于东陵；东迤^⑤北，会于汇；东为中江，入于海。

导沔水，东流为济，入于河，溢为荥，东出于陶丘北，又东至于荷；又东北，会于汶；又北东，入于海。

导淮自桐柏，东会于泗、沂，东入于海。

导渭自鸟鼠同穴，东会于沔，又东会于泾；又东过漆沮，入于河。

◆ 中国古典名著百部

导洛自熊耳，东北，会于涧、瀍，又东，会于伊；又东北，入于河。

九州攸同：四隩既宅，九山刊旅，九川涤源，九泽既陂，四海会同。六府孔修，庶土交正，底慎财赋，咸则三壤成赋。中邦锡土、姓，祗台德先，不距朕行。

五百里甸服。百里赋纳总，二百里纳铨，三百里纳秸服，四百里粟，五百里米。

五百里侯服。百里采，二百里男邦，三百里诸侯。

五百里绥服。三百里揆文教，二百里奋武卫。

五百里要服。三百里夷，二百里蔡。

五百里荒服。三百里蛮，二百里流。

东渐于海，西被于流沙，朔南暨声教讫于四海。禹锡玄圭，告厥成功。

注 释：

①本篇为大禹治水和重新制定贡法的记录，同时也是战国之世走向统一前夕的总结性地理记录。将当时各国所能达到的疆域算作天下，又根据自然地理来划分区域，对当时的实际地理状况作了理想式的规划。

②猪，同“滹”，指水停留的地方。

③箛箛，音 jūn lù，射筒，也可以解释为修竹。

④原隰，指幽地。在今陕西旬邑县。隰，音 xī。

⑤池，音 yī，指水斜流。

甘 誓^①

大战于甘，乃召六卿^②。王曰：“嗟！六事之人，予誓告汝：有扈氏威侮五行，怠弃三正，天用剿绝其命，今予惟恭行天之

罚。”

“左不攻于左，汝不恭命；右不攻于右，汝不恭命；御非其马之正，汝不恭命。用命，赏于祖；弗用命，戮于社，予则孥戮汝。”

注 释：

①甘，指有扈氏国都的南郊。誓，指古代告诫将士的言辞。大禹死后，把政权交给益。益三年之后又把政权让给启。由于过去一直实行禅让制，故夏的同姓诸侯有扈氏不服。夏启遂起兵讨伐。史官把启告诫将士的言辞记录下来，便成了这篇《甘誓》。

②六卿，六军的主将。

商 书^①

汤 誓^②

王曰：“格尔众庶，悉听朕言。非台小子，敢行称乱！有夏多罪，天命殛之。今尔有众，汝曰：‘我后不恤我众，舍我穡事，而割正夏？’予惟闻汝众言，夏氏有罪，予畏上帝，不敢不正。今汝其言曰：‘夏罪其如台^③？’夏王率遏众力，率割夏邑。有众率怠弗协，曰：‘时日曷丧？予及汝皆亡。’夏德若兹，今朕必往。”

“尔尚辅予一人，致天之罚，予其大赉汝！尔无不信，朕不食言。尔不从誓言，予则孥戮汝，罔有攸赦。”

注 释：

①舜帝的大臣契辅助大禹治水有功，被舜帝封于商。契的第十四世孙汤率领诸侯赶走了夏的暴君桀，取得帝位，以“商”作为自己的国号，建立了商朝。后来盘庚迁都于殷，商朝遂又名殷朝。

现存商书共有五篇。首篇《汤誓》记载商汤伐桀时的誓辞，为商初史事。《盘庚》为商王盘庚迁都于殷时告谕臣民的讲话，是公认的殷商遗文。其余三篇记载的都是商朝末年的史事，其中《西伯戡黎》、《微子》与商纣王有关，又和周书中前面几篇的内容直接相连。

②汤，名履，商朝开国明君。当时夏王桀荒淫无道，于是汤开始伐桀。伐桀之前，汤在都城亳誓师。

③如台，如何之意。

盘 庚^①

盘庚迁于殷。民不适有居，率吁众慼^②出，矢言。曰：“我王来，既爰宅于兹，重我民，无尽刘。不能胥匡以生，卜稽，曰其如台？先王有服，恪谨天命，兹犹不常宁。不常厥邑，于今五邦！今不承于古，罔知天之断命，矧^③曰其克从先王之烈？若颠木之有由蘖，天其永我命于兹新邑，绍复先王之大业，底绥四方。”

盘庚敦^④于民，由乃在位以常旧服、正法度。曰：“无或敢伏小人之攸箴！”王命众，悉至于廷。

王若曰：“格汝众，予告汝训汝。猷黜乃心，无傲从康。古我先王，亦惟图任旧人共政。王播告之修，不匿厥指，王用丕钦。罔有逸言，民用丕变。今汝聒聒^⑤，起信险肤，予弗知乃所讼。

“非予自荒兹德，惟汝含德，不惕予一人。予若观火，予亦拙谋作，乃逸。若网在纲，有条而不紊；若衣服田，力穡乃亦有秋。汝克黜乃心，施实德于民，至于婚友，丕乃敢大言汝有积德。乃不畏戎毒于远迩，惰农自安，不昏作劳，不服田亩，越其罔有黍稷。

“汝不和吉言于百姓，惟汝自生毒，乃败祸奸宄，以自灾于厥身。乃既先恶于民，乃奉其恫，汝悔身何及？相时俭民，犹胥顾于箴言，其发有逸口，矧予制乃短长之命？汝曷弗告朕，而胥动以浮言，恐沈于众？若火之燎于原，不可向迩，其犹可扑灭？则惟汝众自作弗靖，非予有咎。

“迟任有言曰：‘人惟求旧，器非求旧，惟新。’古我先王暨

◆ 中国古典名著百部

乃祖乃父胥及逸勤，予敢动用非罚？世选尔劳，予不掩尔善。兹予大享于先王，尔祖其从与享之。作福作灾，予亦不敢动用非德。

“予告汝于难，若射之有志。汝无侮老成人，无弱孤有幼。各长于厥居，勉出乃力，听予一人之作猷。无有远迩，用罪伐厥死，用德彰厥善。邦之臧，惟汝众；邦之不臧，惟予一人有佚罚。

“凡尔众，其惟致告：自今至于后日，各恭尔事，齐乃位，度乃口，罚及尔身，弗可悔。”

盘庚作，惟涉河以民迁。乃话民之弗率，诞告用亶。其有众咸造，勿褻在王庭。盘庚乃登，进厥民。

曰：“明听朕言，无荒失朕命！呜呼！古我前后，罔不惟民之承保。后胥感鲜，以不浮于天时。殷降大虐，先王不怀厥攸作，视民利用迁。汝曷弗念我古后之闻？承汝俾汝惟喜康共，非汝有咎比于罚。予若吁怀兹新邑，亦惟汝故，以丕从厥志。

“今予将试以汝迁，安定厥邦。汝不忧朕心之攸困，乃咸大不宜乃心，钦念以忱动予一人。尔惟自鞠自苦，若乘舟，汝弗济，臭厥载。尔忱不属，惟胥以沉。不其或稽，自怒曷瘳？汝不谋长以思乃灾，汝诞劝忧。今其有今罔后，汝何生在上？

“今予命汝一，无起秽以自臭，恐人倚乃身，迂乃心。予迓续乃命于天，予岂汝威，用奉畜汝众。

“予念我先神后之劳尔先，予丕克羞尔用怀尔；然失于政，陈于兹，高后丕乃崇降罪疾，曰：‘曷虐朕民？’汝万民乃不生生，暨予一人猷同心，先后丕降与汝罪疾，曰：‘曷不暨朕幼孙有比？’故有爽德，自上其罚汝，汝罔能迪。

“古我先后既劳乃祖乃父，汝共作我畜民，汝有戕则在乃心！我先后绥乃祖乃父，乃祖乃父乃断弃汝，不救乃死。兹予有乱政同位，具乃贝玉。乃祖乃父丕乃告我高后曰：‘作丕刑于朕孙！’